

Ek bache ne pucha tha kabhi  
Ki ek Guru aur Maa-Baap mai kya fark hai,  
Mila na jawab use ab bhi  
Kyunki dono apne ap mai Rab hai

Bachpan mai ungli pakadke chalne mai tak dar lagta tha (2)  
Par us ek insan ko apna bhavishya saunpte hue mai bhi garv hota tha

Nai lagti kuch baate achi abhi bhi us kursi ke piche khade logo ki (2)  
Aur kyun na ho, unhi se sikha hai, ki koi pagal hi hoga jisme kami na ho  
croro ki

School ke ho, ya college ke  
Dost mai ho, ya begaane mai  
Is kitaabi duniya mai zindagi ke panne sahejna sikha diya jisne  
Vahi hai mera guru har zamane mai

Kamiyabi par vo samne ki taaliyan dekhna itna zaruri bhi kya,  
Ki ansuni hojati hai piche se kahi hui kisi ki vo baate  
Nakkaami par vo piche ki gaaliyan sunna itna majburi bhi kya,  
Ki andekhi hojati hai samne se kurbaan ki hui kisi ki vo raate

Manzil agar sirf teri thi  
To safar tere guru ka bhi tha  
Itna ahankaar agar hota har kisi ko buddhi pe apni  
To hindustan bhi Chandragupta ka nahi, Chanakya ka hota

Sach kaha tha kisi ne ki bhagwan har jagah ni ho sakte, isliye maa usne  
banayi thi  
Par ye bi sach hai ki maa bhi har jagah ni ho sakti, isliye guru mai bhi uski  
parcchhai thi